

# kontuola...

**KONTUOLA, Idolaz elkarte, ANTZUOLA. Kazetaria:** Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzulako hamabostekaria, 74. zenbakia. 2001eko martxoaren 2a.*

## Gaztetzokoan begiraleak behar dira

### Zapatu eta domeketan zabalitzen da Gaztetzokoa

**Gaztetzokorako begiraleak behar direla eta, Antzulako Udalak begirale izan nahi dutenei deialdia ireki die. Begiraleekin lan poltsa bat eratu nahi dute eta, horregatik, martxoaren 3a baino lehen aurkeztu beharko dira eskabideak udaletxean edo liburutegian.**

**G**aur egun bost begirale ari dira Gaztetzokoan lanean eta txandak aritzen dira asteburuetan.

Lau urte dira Gaztetzokoa ireki zela Kaixon eta ordutik dihardue Silbiak eta Leirek begirale lanetan. Geroztik, ordea, beste hiru lagun ere badabilta begirale: Jon Tena, Maitane Goñi eta Mari Rios. Koordinatzaile lanetan Silbiak dihardu, eta berak aitortu digunez, «gustura ibili gara orain arte, baina jende berriaren beharra somatu dugu». Hirurogei bat haurrek eman zuten izena ikasturte honetan, baina ez dira guztiak batera joaten Kaixoko egoitzara: 25-30 bitartean elkartzen dira zapatuero eta domekero.

#### **EKINTZAK**

Koordinatzaileak adierazi digunez, «hasieratik gaur egunera aldatu egin da neurri batean begiraleen lana. Lehenengo urtean Bergarako Jardun elkartearekin batera hasi ginen elkarlanean. Eurek esperientzia zuten gazteendako txokotan eta laguntza behar genuen Antzulan ere zerbait egiteko. Hurrengo pausua geuk geure kabuz Gaztetzokoa zuzentzea izan zen, eta horrela gabiltza azkenengo urteetan. Hala ere, begiraleak aldatzeko garaia dela ere ikusi dugu. Maitane eta Mari dira denbora gutxien daramatenak, baina beste hirurok hasieratik gabiltza eta ideiak ere agortu egin zaizkigu». Izan ere, haurrentzako denbo-



*Inauterietako zapatuan mozorro desfilea egin zuten Gaztetzokoan.*

rapasak antolatzen aritzen dira begiraleak eta asko izan dira Kaixon egin dituzten ekintzak. Inauterietan, esaterako, mozorro desfilea egin zuten. Martxoan olinpiadak eta herri kirolak egitekotan dira. «Kultur ekintza ugari egin izan dugu, baina orain kirola lantzen hasiko gara, aldatzeagatik. Jakina, Aste Santu ingururako akanpada antolatuko dugu, baina oraindik ez dugu lekua erabaki».

#### **BEGIRALE IZATEKO ESKAERA**

Begirale izateko eskabidea udaletxean edo liburutegian aurkeztu beharko da

martxoaren hirua baino lehen, eta horrekin batera lan esperientziaren berri eman beharko da. 18 urtetik gora izan beharko dute eta Antzulon bizi edo bertakoa izan beharko da. Euskara ahoz zein idatziz menderatzea eskatuko da, eta kontuan izango da haurrekin eta gazteekin zerikusia duten ikasketak edukitzea, esperientzia eta begirale titulua izatea, baina azkenengo hiru baldintzak ez dira beharrezkoak. Lana zapatu eta domeketan egingo da, orduan egoten delako zabalik Gaztetzokoa: arratsaldeko 16:00etatik 20:00etara.

■ ■ ■  
Begirale izateko eskaerak udaletxean  
aurkeztu beharko dira  
■ ■ ■

# Karnabaletan, mozor

**E**gubakoitzean eskolako umeak, zapatuan gurasoak eta neska-mutikoak eta domekan, berriz, dantzari profesional eta amateurak irten ziren kalera ez ohizko erropekin. Karnabalak ondo baino hobeto ospatu zituzten antzularrek. Egubakoitzean Pausokako gurasoek txokolatada eta torradak banatu zituzten Zurrategin. Zapatuan ijito koa-drilla ederra ibili zen kalean gora eta behera eta domekan sorgin dantza ikusteko aukera izan genuen herriko kaleetan eta gero Herriko plazan.



Manex punkie txikia.



Punkiek Zurrategiko kioskoa hartu zuten.



Zapatuan ijito familia izan genuen bisitan.



Hauak bai monstruak.

**GOROSTI**  
**Taberna**

☎ 943 76 62 96  
Zurrategi plaza ANTZUOLA



Jose Gomez  
Abad

Errekalde 6, 4-B. Antzuola  
943 76 60 19  
943 76 60 43

**AITZ-GARBI**



taberna  
jatetxea

Pintxoak eta kazuelatxoak.  
Bazkariak eta afariak

Kalebarren 15. Tf. 943 78 70 51

# o ugari!



*Txiki-txikitatik ohitura onak ikasten.*



*Monster familia ala zer da hau?*



*Txokolatada Pausokako gurasoek antolatu zuten.*



*Karnabaletako ohiturari jarraitu zioten dantzariak.*



*Halloween gaua liburategian.*



*Txapel gorri eta ume txiki elkarrekin Zurrategin.*

**zabalo**  
IGELTSEROTZA  
Jose Luis Zabalo  
Birgaitzeak • Fatxadak  
Teilatuak • Sukalde eta bainu gelak  
Kalegoi 9, 1a., ANTZUOLA. Tf. 943 76 60 89

**Igor eta Txomin**  
  
Margoak orokorrean  
ANTZUOLA 609 157 131  
BERGARA 609 150 164

**MUJIKA HARATEGIA**  
  
Berezitasunak:  
Etxean hazitako zekorrak eta oilaskoak  
Kalebarren, 1. ANTZUOLA  
Tf. 943 76 64 34

**LEKU-BERRI MERENDEROA**  
Janariak eta edariak  
Tf. 943 76 60 94

**GRAFOLOGIA IKASTAROA  
ESKAINIKO DUTE BOST EGUNEZ**

Idazteko moduaren arabera norberaren izakeraz asko jakin daitekeela diote grafologoek: grafiaren edo idazkeraren neurriak, formak, makurdurak, lerroen norabideak, presioak, sinadurak... denek balio dute, jakinez gero, pertsonaren gainean zerbait jakiteko. Baina idazkera interpretatzen jakin egin behar da, eta horretarako aukera izango da martxoaren 3tik aurrera udaletxeko gobernu batzordeko gelan. Irune Ibarra grafologoak ikastaroa eskainiko du bost egunetan zehar: martxoaren 10, 17, 24 eta 31n eta apirilaren 7an. Eskola ordua 10:30etik 12:30era izango da eta izena emateko epea martxoaren 16an amaituko da. Interesatuak udaletxetik pasatu beharko dira.

**BAKE EPAILE BEBRIA BEHAR DELA  
ETA, IZEN-EMATEA ZABALIK DAGO**

Bake epaile kargua hutsik geldituko da laster eta hori dela eta, izena emateko epea zabalik dago.

Lau urterako kargua izango da eta kontuan hartuko dena zera da: Antzuolan bizi eta adin nagusikoa izatea.

Bake epaileaz gain, ordezkoa ere izendatu behar da. Orain arte, bake epailea Anaje Egaña izan da eta berak azaldu digunez, «epe horretan bi ezkontza egin behar izan ditut. Bestelako lanik ez dut egin behar izan, hauteskundeetan izan ezik. Orduan botoak zenbatu eta gero, neuk eraman behar izan ditut agindutako lekura. Baina osterantzean, ez du lanik suposatzen bake epaile izateak». Izena emateko udaletxera joan beharko da lehenbailehen. Ez da behar aparteko titulurik. Goian aipatutako baldintzekin nahikoa izango da izena emateko bai bake epaile izateko zein bake epaile ordezko izateko.

# Sexuaz gehiago jakiteko antzerki lana zinean

**Gazteek** sexuaz dituzten kezkak argitzen saiatzen dira 'Vaiven' antzerki taldekoak *Lotsa Gabe* lanean. Baina horretarako umore zaindua erabiltzen dute eta abiapuntutzat honako galderak egi-

ten dizkiete euren buruei aktoreek: zelan egin behar da amodioa edo zer da HIESA? Baina, aldi berean, bestelako galdera batzuk ere plazaratzen dituzte: gorputzaren barruan tanpoia galdu deza-

ket? Zergatik da odola urdin kolorekoa konpresa iragarkietan? edo zakilaren tamainak garrantzirik badu?


Galdera hauek guztiek erantzuna izango dute martxoaren 10ean, orduan etorriko da-eta 'Vaiven' antzerki taldea Antzuolara. Emanaldia zinean izango da, gaueko 10:30ean.



'Vaiven' en Lotsa Gabe lana martxoaren 10ean.

## Errekaldeko lanak amaitzear

**Errekalde auzoan** egiten ari diren konponketa lanek aurrera darraite. Hasiera batean 25 milioi pezetako aurrekontua zuten lanek, baina beste 5 milioi gehiago onartu ditu udalak lanak amaitzeko. Izan ere, eskailerak konpondu behar dira eta baita auzoa inguratzeko duen harrizko baranda ere. Margotu egin dute baranda, argazkian ikus daitekeenez. Lanak bukatzeko, auzoaren goi aldean Iberdrolak duen depositoa konpontzea bakarrik geratuko da. Hala ere, lan horiek Iberdrolari dagozkio.



Sukalderako eta bainurako altzariak  
Altzari rustikoetan  
espezializatuak

Zurrategi plaza 4, behea ANTZUOLA Tf. eta faxa 943 78 71 80

**LARREA**

**TABERNA**

Kalebarren 17  
ANTZUOLA